

8. Strani gosti. Nastavljajući korisnu praksu međunarodne razmjene delegacija i predstavnika, Predsjedništvo je odlučilo da se na Kongres kao gosti pozovu po dva delegata od strane saveza sa kojima je takva razmjena uobičajena i to iz: Bugarske, ČSSR, DR Njemačke, Mađarske i Poljske. Osim toga kao gosti Kongresa pozvali bi se članovi stranih stručnih saveza koji su svojim radom doprinijeli uspostavljanju i unapređenju međusobnih veza i prijateljskih odnosa između tih saveza i našeg saveza i koji bi na Skupštini bili proglašeni počasnim članovima SGIGJ. Predsjedništvo je odlučilo da se u tom smislu Skupštini predlože: Prof. Peovski iz Bugarske, DR, Homorodi iz Mađarske i Mgr. inž. Klopočinski iz Poljske te istima uputiti i pozivnice za Kongres.

## II ODRŽAVANJE SKUPŠTINE

Predsjedništvo je usvojilo prijedlog da se Skupština održi neposredno iza Kongresa tj. 8. novembra 1968. godine. Za skupštinu je usvojen slijedeći dnevni red:

- Otvaranje Skupštine
- Izbor radnog predsjedništva i ostalih radnih tijela
- Izvještaj o radu Predsjedništva i stalnih komisija
- Izvještaj nadzornog odbora
- Referat o organizaciji i strukturi SGIGJ u novim uslovima
- Diskusija o referatu i izvještajima
- Davanje razrešnice organima SGIGJ
- Izbor počasnih i zaslužnih članova SGIGJ
- Prijedlog novog Statuta SGIGJ i njegovo usvajanje
- Izbor Predsjedništva drugih organa SGIGJ
- Prijedlog i usvajanje zaključaka Skupštine.

U cilju odvijanja potrebnih priprema za Skupštinu, Predsjedništvo je donijelo nekoliko zaključaka.

1. Da se oblikuje komisija za statut u sastavu: A. Muminagić, V. Blagojević i Dj. Matović koja će izraditi nacrt novog statuta i predložiti ga na usvajanje Skupštini.

2. Da svi republički savezi dostave do 1. jula izvještaje o radu, stanju i problemima u njihovim savezima kao i mišljenja i prijedloge za novu organizacionu strukturu SGIGJ, a prema upitnicima koje će im do 1. marta dostaviti Sekretarijat.
3. Broj delegata za Skupštinu odredjen je Statutom. Da ne bi došlo do nesporazuma u broju delegata koji se biraju na svakih 250 članova, Sekretarijat će prema postojećoj evidenciji obavijestiti Republičke saveze o broju delegata, a oni će taj broj korigovati prema stvarnom broju članova u njihovoj republici. Ako u pojedinim savezima nije na Skupštini izvršen izbor delegata za Skupštinu saveza, onda taj izbor treba izvršiti na plenarnim sastancima Predsjedništva republičkih saveza. Imena delegata dostaviti Sekretarijatu SGIGJ do 1. jula 1968. godine.
4. U radno predsjedništvo skupštine ulazi predsjednik SGIGJ i šest predsjednika republičkih saveza, a u kandidacionu komisiju predstavnik Sekretarijata i predstavnici pojedinih republičkih saveza. Prethodno da svaki republički savez razmotri kandidaturu za jedno mjesto u predsjedništvu SGIGJ.
5. Pošto će se na Skupštini izvršiti izbori počasnih i zaslužnih članova SGIGJ, potrebno je blagovremeno pripremiti prijedloge i odgovarajuće podatke. U tom smislu prijedloge će dostaviti: Savez Srbije za 4 člana, Savez Hrvatske za 3 člana, Savez Slovenije za 2 člana, Savez BiH za 3 člana, Savez Makedonije za 1 ili 2 člana i Savez Crne Gore za 1 člana. Sekretarijat može takodje dati svoje prijedloge. Ovi prijedlozi treba da se dostave Sekretarijatu SGIGJ do 1. jula 1968. godine, a definitivno će ih srediti za Skupštinu i oformiti drugovi Kazija I. i Mijin M.